

Facoltà di celebrare la Solennità dell'Immacolata nella seconda domenica di Avvento

In questo anno 1985 la Solennità dell'Immacolata Concezione (8 dicembre) cade nella seconda domenica di Avvento e, secondo le norme liturgiche, la Solennità dovrebbe essere anticipata al sabato precedente e cioè il 7 dicembre.

Il Card. Presidente, Ugo Poletti, il 10 settembre 1985 con lettera prot. 683/85 ha chiesto alla Congregazione competente la facoltà di celebrare la Solennità l'8 dicembre, giorno nel quale si dovrebbe celebrare la liturgia della seconda domenica di Avvento.

CONGREGATIO PRO CULTU DIVINO - PROT. 1255/85 - 13.9.1985

Eminentissime Domine,

pervenit ad hoc Dicasterium epistula Tua die 10 septembris nuper elapso data, qua petis ut celebratio sollemnitatis Immaculatae Conceptionis beatae Mariae Virginis in dioecesibus die 8 decembris 1985 celebrari possit, non obstante occurrentia eodem die dominicae secundae Adventus.

Ut Eminentiae Tuae notum est, liturgica norma statuit sollemnitates omnes, etiam Domini, propriam semper cedere celebrationem dominicis temporis Adventus, Quadragesimae et Paschae, eodem die forte occurrentibus. Hisce vero in casibus sollemnitates in dominica occurrentes sabbato anticipantur (cf. « Normae universales de anno liturgico et de Calendario », n. 5; n. 59, 1, 2, 3).

Nihilominus, attentis rationibus in litteris ad nos missis ab Eminentia Tua expositis, haec Congregatio prudenti iudicio pastoralis Conferentiae Episcoporum in Italia remittit facultatem celebrandi Immaculatam Conceptionem beatae Mariae Virginis die 8 decembris 1985, dominica secunda Adventus.

Cura autem sacerdotum celebrantium erit sollemnitatem beatae Mariae Virginis apto modo collocare in contextu dominicae Adventus, monitionibus, homilia et oratione fidelium in Missa adhibitis.

Occasionem nactus, libenter sensus venerationis meae erga Te pando atque me profiteor

Eminentiae Tuae in Domino add.mum

+ VERGILIUS NOÈ
Archiep. tit. Vancariensis
a Secretis

PAULUS AUGUSTUS Card. MAYER
Praefectus